

BOSNA I HERCEGOVINA



БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Posebno odjeljenje za ratne zločine  
Broj: T 20 0 KTRZ 0023196 22  
Sarajevo, 23.11.2022. godine

SUDU BOSNE I HERCEGOVINE  
-Sudiji za prethodno saslušanje-  
SARAJEVO

PREDMET TUŽILAŠTVA BOSNE I HERCEGOVINE  
protiv  
LUČAREVIĆ KERIMA

OPTUŽNICA

Tužilac Tužilaštva Bosne i Hercegovine

Osumnjičeni: Kerim Lučarević

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, *p o d i ž e m:*

## O P T U Ź N I C U

Protiv:

LUČAREVIĆ KERIMA, rođenog 1958.  
godine u Sarajevu,  
državljanina BiH,

Što je:

U vremenskom periodu od 03.05.1992.godine do polovine maja 1992.godine, za vrijeme međunarodnog oružanog sukoba, između dijelova bivše JNA i TO RBiH, koji je trajao i na području Sarajeva, kao komandant Vojne policije Republičkog štaba Teritorijalne odbrane BiH, za vrijeme obavljanja pomenute dužnosti, te u okviru svojih ovlaštenja, postupao suprotno pravilima Međunarodnog humanitarnog prava, kršeći odredbe člana 3. stav 1. tačka a) i c) Ženevske konvencije o zaštiti civilnih lica za vrijeme rata od 12. avgusta 1949. godine, člana 3. stav 1. tačka a) Ženevske konvencije o postupanju sa ratnim zarobljenicima od 12. avgusta 1949.godine i Dopunskog protokola II iz 1977.godine, nakon što je dana 03.05.1992.godine izvršen napad na nebranjenu mješovitu kolonu vojnika i civilnih lica zaposlenih u bivšoj JNA, pod pratnjom mirovnih snaga Ujedinjenih nacija, nije preduzeo nužne i razumne mjere da kazni izvršioce ubistava i ranjavanja vojnika i civila, te nije preduzeo nužne i razumne mjere da spriječi fizičko i psihičko zlostavljanje zarobljenih pripadnika JNA, kao i da kazni izvršioce ovih djela, pa je tako:

1. Lučarević Kerim, kao komandant Vojne policije Štaba TO RBiH, zajedno , nakon što su pripadnici TO RBiH, dana

03.05.1992.godine u ulici Dobrovoljačka, po naređenju člana Štaba TO RBiH [REDACTED] [REDACTED] zaustavili, napali i presjekli mješovitu kolonu civila i vojnika bivše JNA, koja je bila pod pratnjom mirovnih snaga UN-a, prilikom čega su, te su tom prilikom pripadnici TO, prvo u obilježenom sanitetskom vozilu pucajući iz vatrenog oružja lišili života pukovnika doktora [REDACTED], pukovnika [REDACTED] i civila [REDACTED], te pucajući iz vatrenog oružja ranili pukovnika [REDACTED] [REDACTED] pukovnika [REDACTED] i vojnika [REDACTED], te u daljem napadu, pucajući iz vatrenog oružja lišili života pukovnika [REDACTED], pukovnika [REDACTED], potpukovnika [REDACTED], vojnike [REDACTED] i [REDACTED], te na isti način, upotrebom vatrenog oružja ranili pukovnika [REDACTED], pukovnika [REDACTED], potpukovnika [REDACTED], potpukovnika [REDACTED], pukovnika [REDACTED], pukovnika [REDACTED], kapetana [REDACTED] [REDACTED] kapetana [REDACTED], pukovnika [REDACTED], potpukovnika [REDACTED], vojnike [REDACTED], te građanska lica na službi u JNA [REDACTED] [REDACTED] razoružali preostali pripadnike JNA iz zaustavljene kolone, iste zarobili te fizički i psihički zlostavljali udarajući ih kundakom puške, šakama, nogama, opasačem zamotanim oko ruke, po cijelom tijelu, a naročito u predjelu glave, leđa i bubrega, pripadnike JNA: [REDACTED]

[REDACTED], nanoseći im vidljive povrede po tijelu u vidu krvnih podliva, izbijenih zuba i rasjekotina, dok su neki od njih od zadobijenih udaraca gubili svijest kao što su [REDACTED], odnoseći se naročito ponižavajuće prema svim zarobljenim pripadnicima JNA, od kojih su neke od njih tjerali i da se skinu u donji veš i to [REDACTED]

[REDACTED], nanoseći im namjerno snažne tjelesne i duševne bolove i patnju, pa su nakon zarobljavanja i opisanih fizičkih i psihičkih zlostavljanja, pripadnici JNA organizovano, po grupama, sprovedeni do zgrade DTV "Partizan", poznatije kao FIS, gdje su fizički i psihički zlostavljani od strane pripadnika TO, MUP-a RBiH, Biroa za istraživanje ratnih zločina i stražara koji su ih obezbjeđivali na koji način im je nanesa snažna tjelesna i duševna bol i patnja, nije preduzeo nužne i razumne mjere da počinioci krivičnih djela budu kažnjeni, iako je za ista krivična djela znao ili je mogao znati.

2. **Lučarević Kerim**, kao komandant Vojne policije Štaba TO RBiH i u tom svojstvu nadležan za obezbjeđenje zarobljenih civila i vojnika iz mješovite kolone JNA, koji su bili zatvoreni u prostoru FIS-a, te prostorijama Štaba TO RBiH u zgradi Predsjedništva RBiH, kojom prilikom su ih obezbjeđivali i vodili na ispitivanja pripadnici vojne policije, te neki od njih zatvoreni na V spratu Centralnog zatvora, gdje su ih obezbjeđivali, ispitivali i vodili na ispitivanje pripadnici vojne policije, pod komandom njemu



podređenog [REDACTED]

[REDACTED] iako je znao ili imao razloga da zna, da njemu podređeni vojni policajci fizički zlostavljaju zarobljene u prostoru FIS-a udarcima nogom obuvenom u vojničku čizmu, otvorenim dlanom šake, ručkom pištolja, kundakom puške, i to: [REDACTED]

[REDACTED] čime su oštećenima naneseni jaki fizički bolovi u predjelu glave, lica, leđa, nogu, ruku i polnog organa, što je kod pojedinih izazvalo obilnija krvarenja, gubitak zuba i poderotine na koži, te da puštaju lica sa strane da ulaze u prostor FIS-a i vrše fizička i psihička zlostavljanja, te da pripadnici TO, prilikom ispitivanja u zgradi Predsjedništva RBiH, fizički i psihički zlostavljaju zarobljene i to: [REDACTED]

[REDACTED] na način da su ih tukli nogama, stisnutom pesnicom i udarali staklenom pepeljarom u predjelu glave, rebara, leđa i ramena, usljed čega su neki od njih više puta gubili svijest, kao i da zarobljene i zatvorene na V spratu Centralnog zatvora zlostavljaju vojni policajci pod komandom njemu podređenog [REDACTED], da dopuštaju licima sa strane da zlostavljaju zatvorene na V spratu i to [REDACTED], osumnjičeni nije ništa preduzeo da navedena krivična djela spriječi niti da kazni počinioce.

#### **Čime je radnjama pod tačkom 1. počinio**

- krivična djela ratni zločin protiv civilnog stanovništva iz člana 173, stav 1, tačka a), ratni zločin protiv ranjenika i bolesnika iz člana 174, tačka a), ratni zločin protiv ratnih zarobljenika iz člana 175, tačka a) i b) i protivpravno ubijanje i ranjavanje neprijatelja iz člana 177, stav 1, sve u vezi sa članom 180, stav 2 KZ-a BiH, te članom 41, stav 1, Dopunskog protokola I na Ženevske konvencije i članom 23 Haškog protokola.

#### **Radnjama pod tačkom 2. počinio**

- krivična djela ratni zločin protiv civilnog stanovništva iz člana 173, stav 1, tačka a), ratni zločin protiv ratnih zarobljenika iz člana 175, tačka a) i b) KZBiH, sve u vezi sa članom 180, stav 2 KZ-a BiH.